



Aasiaat 24. juni 2019

Inatsisartut suleriaasianni § 37, imm. 1 naapertorlugu matumuuna Naalackersuisunut imaatumik apeqquteqaateqarpunga.

Apeqquut:

1. Ukiumut isertitat akileraarutaasussanik kr. 175.000 tikillugu isertitallit pisortanut akiitsui massakkut qanoq annertutigippat?

(Inatsisartuni ilaasortat Peter Olsen, Inuit Ataqatigiit)

Tungavilersuut:

Naluneqanngitsut ukiuni kingullerni arlaqalersuni innuttaasut pisortanut akiitsui 1.mia. aamma 800 mio. missaata akornanni amerlassuseqartuaput.

Innuttaasut taama amerlatigisunik pisortanut akiitsoqalersimanerat ingasappoq, tamannalu akuersaarneqarsinnaangilaq. Aningaasarpasupput, suliniutinut pitsaasunut pingaarutilinnullu assigiinngitsorpassuarnullu atorneqarsinnaagaluartut, taamaattorli aannaasaqaatigiinnartakavut.

Akiitsorpassuarnit taakkunannga innuttaasut ukiumut isertitat akileraarutaasussanik kr. 175.000 tikillugit isertitallik akiitsui qanoq amerlatigippammita.

Qinnutigissavara apeqquteqaatima ullut suliffiusut qulit iluanni akineqarumaartut.